



Broj: 01/1-50-1-3/07

Sarajevo: 28.02.2007.

Z A P I S N I K
sa 3. sjednice Ustavno - pravne komisije

Sjednica je održana 28.02.2007. godine sa početkom u 15,00.

Sjednici su prisustvovali članovi Komisije:

- | | |
|----------------------|-----------------------|
| 1. Šefik Džaferović, | 6. Lazar Prodanović, |
| 2. Martin Raguž, | 7. Momčilo Novaković, |
| 3. Halid Genjac, | 8. Vahid Hećo. |
| 4. Ekrem Ajanović, | |
| 5. Drago Kalabić, | |

Član Komisije Borjana Krišto nije prisustvovala sjednici.

Sajednici su prisustvovali Elma Demir - NATO štab Sarajevo i Adin Bešić - Istrživački Centar.

Sjednici je prisustvovao sekretar Komisije Milan Zjajić, Edin Isanović zaposlen u Sekretarijatu PS BiH i Ajdin Brcaninović student stažista

Sjednica je završena u 15,50 sati.

Predsjedavajući je predožio, a Komisija jednoglasno prihvatila sljedeći:

D N E V N I R E D :

1. Verifikacija Zapisnika sa 2. sjednice održane 23.02. 2007. godine;
2. Zahtjev Ustavnog suda BiH za izjašnjenje o Zahtjevu za ocjenu ustavnosti člana 62.5 Zakona o odbrani BiH.
3. Ostala pitanja.

Ad. 1. Verificiranje Zapisnika sa 2. sjednice održane 23.02.2007. godine;

Bez primjedbi, Komisija je jednoglasno verificirala Zapisnik sa druge sjednice održane 23.02.2007. godine.

Ad. 2. Zahtjev Ustavnog suda BiH za izjašnjenje o Zahtjevu za ocjenu ustavnosti člana 62.5 Zakona o odbrani BiH.

Nakon provedene rasprave u kojoj su učestvovali svi prisutni članovi Komisije i iznijeli svoje, različite, stavove povodom Zahtjeva za ocjenu ustavnosti i zakonitosti odredbe člana 62. stav 5. Zakona o odbrani BiH, na kraju je Komisija zaključila sljedeće:

Namjera zakonodavca je bila da osporenim odredbom člana 62. stav 5. zakona o odbrani BiH na određeno vrijeme uredi prava državnih službenika i zaposlenika iz entitetskih ministarstava odbrane. Zakonodavac osporenim odredbom štiti – garantira zatečena prava državnih službenika i zaposlenika na poziciju, plaću i naknadu, pretpostavljajući da će vremensko trajanje prelaznog perioda biti ograničeno. Zakonom, odnosno osporenim odredbom nije uspostavljeno ništa novo, nego naprotiv zadržano postojeće stanje. Zadržavanje statusa quo ne može biti samo po sebi izvor diskriminirajućeg odnosa. Ako razlike u visini plaća i naknada eventualno i postoje one nisu nastale usvajanjem Zakona o odbrani i primenom člana 62. stav 5. nego ranije.

Predugim trajanjem prelaznog perioda do donošenja konačne odluke o statusu državnih službenika i zaposlenika se mogu ugroziti načela na kojima počiva državna služba. Efikasnim djelovanjem i donošenjem konačne odluke o statusu svih zaposlenih riješili bi se problemi na koje se ukazuje, što ponovo upućuje da nije tekst člana 62. stav 5. Zakona o odbrani izvor problema, nego

nasljeđeno stanje i sporost u implementaciji člana 64. Zakona o odbrani BiH, koji regulira proces izbora i člana 65. koji regulira odlučivanje o statusu državnih službenika i zaposlenika..

Ad. 3. Ostala pitanja

Predsjedavajući Džaferović je zahvalio članovima Komisije i upoznao ih je o namjeri Misije OSCE-a da za potrebe Ustavnopravne komisije nabavi lap-top računare za članove i sekretara, te zamolio članove da popune upitnike u vezi sa tim, koje im je na početku sjednice dostavio sekretar. Dalje je naveo kako bi se kasnije trebao održati i jedan seminar o izradi zakona. Kako nije bilo drugih pitanja, predsjedavajući je u 15,50 sati zaključio sjednicu.

SEKRETAR KOMISIJE
Milan Zjajić

PREDSJEDAVAJUĆI KOMISIJE
Šefik Džaferović